

Ingurugiroan duten eragina gutxituko dutela hitz eman dute EAEko 33 enpresak

Inguruarekiko Euskal Industriaren Konpromezua aurkeztu zuten atzo

EAEko 33 enpresak Inguruarekiko Euskal Industriaren Konpromezua sinatu zuten atzo. Enpresa hauek energia eta natur baliabideen erabileran metodo eraginkorragoak garatuko dituztela hitz eman dute. Era berean, beren jardueren eta ekoizten dituzten produktuen ingurugiro eragina murriztuko dutela agindu dute.

GORANE AGIRRE / BILBO



Ingurugirori eta lehiakortasuari buruzko kongresua egin zen atzo. SIMAL

Promag azokaren testuinguruan IHOBek antolatuta atzo izan zen Lehiakortasuna eta Ingurugiroa Biltzarren barruan, Inguruarekiko Euskal Industriaren Konpromezua aurkeztu zuten Confebask-eko ordezkariak.

Agiria sinatu duten EAEko 33 enpresak energia eta natur baliabideen erabileran metodo eraginkorragoak garatzera konprometitu dira. Baita, beren jarduerak eta lantzen dituzten produktuen ingurugiro eragina murriztera ere.

Ekintza hauek garatu eta martxan jartzeko enpresak ingurugiro alorreko agintariekin batera egingo dute lana. Hogeitamar bat enpresa hauek indarrean dagoen legediak zehazten dituen ingurugiro kalitate mailak baino altuagoak lortu nahi dituzte.

Patxi Ormazabal Eusko Jaur-

laritzako Ingurugiro sailburuak positibotzat jo zuen atzo enpresak bereganatutako konpromezua. Izan ere, bere hitzetan, «enpresak garapen ekonomikoa eta sustengarria egitea bide eraginkorra da».

Enpresari sinatzaileen arabera, «aspaldidanik euskal enpresak jakin badaki bere konpetitibitate maila hobetu behar duela. Orain gutxi, gure produktuen lehiakortasuna eta ingurugiro mailako eraginaren arteko harremanaz jabetu da».

Konpromezua bere egin duten enpresa hauek lau alorretan garatuko dituzte beren ekintzak. Batetik, lehentasun berezia emango diote hondakin eta isurketa kutsakorren ekoizpenen aurrezaintzari. Bigarrenik, honda-

kinen ekoizpenaren minimizazio jardura saiakera iraunkor eta jarraikorra izango da eta etorkizunean enpresa hauen kudekateran eguneroko jardura izango da.

Bestetik, ekoiztutako hondakinak, eta isurketa likido eta gaseosoak tratatuak izango dira beharrezko neurri zuzentzaileak erabiliz. Neurri hauen funtzionamendu egokia kontrolatuko dute enpresa hauek. Era berean, neurri hauek bestelako segurtasun neurriez lagunduko dituzte, istripuren bat izanez gero ingurugiroan eraginik izan ez dezan.

Azkenik, sinatzaileek beren langilegoa hezitukodute ingurugiro alorrean eta ingurugiroa babesteko hartutako neurrien berri eman beharko dute.

Bidesariekin Euskal Herria «desegituratu» egin dutela dio HBk

G. AGIRRE / BILBO

Gaur egungo azpiegituren eta, bereziki, autopisten bidesariekin Euskal Herria «desegituratzen» ari direla salatu zuen atzo Tasio Erkizia HBko Mahai Nazionalako kideak. Horregatik, Hegoaldeko hiriburuak batzen dituzten autopistetako bidaisariak luzatzearen kontra agertu zen alderdi abertzalea.

Bere hitzetan, «Euskal Herriak barne komunikaziorako gero eta oztopo gehiago ditu eta barne egituraketa ez da garatzen ari. Eta alderantziz, Euskal Herriak kanpora joateko erraztasunak gero eta nabariagoak dira».

Erkiziaren ustez, gaur egun eraikitzen ari diren azpiegiturak ez dira Euskal Herriaren «nazio garapenean pentsatu-

rik egiten, baizik eta Espainiako proiektu batean finkaturik».

Hego Euskal Herriko errepide azpiegiturak «inkomunikazio faktore» bat direla nabarmendu zuen Mahai Nazionalako kideak. Izan ere, berak nabarmendu zuenez, Hegoaldeko bost hiriburuak autopistaz lotzen dira eta ordaindu beharreko bidaisaria «eragozpen ekonomiko bat» da, euskal herritaren arteko komunikazioa «oztopatzen» duena.

Azpiegituren egungo egituraketak kultura, ekonomia, politika eta demografia alorretan «ondorio larri eta berebizikoak» dituela salatu zuten iturri berberak. Horregatik, Hegoaldeko barne komunikazioetan bidesaririk ez egotea exigitu zuen.

Osakidetzak ordezkaketetan gastatu diruaren berri eman du

GASTEIZ

Osakidetzak 5.585 milioi pezeta (223 milioi libera) gastatu zituen ordezkaketetan iazko ekitaldian, Iñaki Fernandez Osakidetza Langilerien Kudeaketa arduradunak atzo Eusko Legebiltzarrean eskaintako datuen arabera. Ordezkaketa horiek eragin zituzten arrazoiak honako hauek izan ziren: behar-

ginen oporrak, sindikatueta lana egiteko liberazioak, lan istripuak, lizentziak eta amatasun lanuzteak, besteak beste.

Langilerien Kudeaketa arduradunak Unidad Alavesa alderdiak hala eskatuta aurkeztu zen zegokion Eusko Legebiltzarreko batzordearen aurrean, EAEko osasungintza publikoan dauden lanuzteen berri emate aldera.

korrika

Jalgi Kadi euskaraz!

Azken jaia!

MARTXOAK 26 igandea

GASTEIZen

bertsolariak, agaitariak, herri bazkariak, fanfarreak, trikitilariak, albokariak, txalapartariak, herri kirolak, zanpantzarrak, txiste kontalariak, larrain dantza, erramun martikorena, huts-hots, txatanuga futz band, trabuko, bizkar hezurra, maixa, itziar eta garbiñe, exkixu, sorotan bele

kolokotatu zure sarrera!

Egunkaria

Azken jaia!

9

MAR. 26 1995

korrika